


# ÉADAÍ NUA



PÁID: Is maith liom an cóta seo.  
 DAIDÍ: Tá sé go han-deas ar fad. Cá mhéad atá air, a shiopadóir?  
 SIOPADÓIR: Sé phunt.  
 DAIDÍ: Seo duit. Slán leat anois agus go raibh maith agat.

## CÉIM 2. AITHRIS

## CÉIM 3. ATHRÁ Ó SPREAGTHAIGH

### Pictiúr: Radharc:

I siopa éadaí, Páid, Daidí agus an siopadóir, cóta ina lámh ag Daidí, ansin an cóta ar Pháid, £6. Ciorcal cainte agus comhartha ceiste.

Céim 4: Sciorta, geansaí (Ceacht 22), blús, bríste.

Gníomhartha agus geáitsíocht a dhéanamh de réir mar a bhíonn gá leo.

## CÉIM 1. CLOISTEÁIL AGUS AITHINT

### Cuntas Reatha

Chuaigh Páid agus Daidí go dtí siopa éadaí. Bhí Daidí ag ceannach cóta nua do Pháid. Chuir Páid air an cóta.

### Agallamh

DAIDÍ: Seas amach ansin, a Pháid.

SIOPADÓIR: Cas timpeall, más é do thoil é.

(a) Spreagthaigh shúl (mar atá i gCéim 1);

(b) Spreagthaigh chluas:

Céard (cad) a rinne Páid agus Daidí?  
 Bhí Daidí ag ceannach bríste do Pháid, is dócha?  
 Céard a rinne Páid?

Tusa Daidí anois, abair le Páid seasamh amach.  
 Céard a deir tusa leis, a “shiopadóir”?  
 An maith leat an cóta, a “Pháid”?  
 An bhfuil sé go deas, a “Dhaidí”?  
 Agus an praghas?  
 Inis dó, a “shiopadóir”.  
 Tabhair dó an t-airgead, a “Dhaidí”.  
 Fág slán ag an siopadóir anois.

#### CÉIM 4. CLEACHTADH MÚNLAÍ AGUS FOCLÓRA

1. Chonaic siad cóta.  
(*amárach, gach lá, an Satharn seo caite; ní, an?: inné; ní, an?: amárach*).
2. Chuir Páid air an cóta.  
(*Brid, mise, tusa, ise, eisean*).
3. Chonaic siad cóta donn.  
(*cóipleabhar buí, glantóir dearg, úll glas*).
4. Sé phunt.  
(*dhá, trí, ceithre, cúig, seacht, ocht, naoi, deich*).
5. Cá mhéad atá air?  
(*an cóta, an blús, an geansaí, an briste, an sciorta, etc.*).

#### CÉIM 5. SAORCHOMHRÁ CRUTHAITHEACH

1. Aithris ar an mbunchomhrá.
2. Dráma:  
Máire agus Mamaí ag ceannach gúna, nó Páid agus Daidí ag ceannach bréagán, nó Máire agus Bríd ag ceannach na n-earraí grósaera.

3. Scéal a chumadh:  
Níor thaitin an chéad chóta le Páid.

4. Cluiche leis na dathanna:  
*Baill éadaí sa bhosca.*

Taispeánann an múinteoir don rang iad agus glaonn na páistí amach na dathanna éagsúla atá orthu. Cuireann sí ball amháin i bhfolach. Tomhaiseann gach páiste ag iarraidh a fháil amach céard atá i bhfolach. An chéad pháiste a thomhaiseann an dath ceart bíonn cead aige dath a thaispeáint agus ball éadaí eile a chur i bhfolach an chéad uair eile. Leanann an cluiche mar seo.

5. Comhrá faoin bpictiúr agus ceisteanna ó pháistí ar a chéile agus ar an múinteoir.

#### Rann Ceoil (An ceol ar théip)

Éadaí nua, éadaí nua, éadaí nua sa siopa  
Bhí Daidí agus Páid ag ceannach éadaí  
Éadaí nua sa siopa.

#### Curfá

Cóta gorm, cuir ort é  
Níl sé go deas, bain díot é.  
Cóta eile, cuir ort é  
Tá sé go deas, ceannóimid é.